



## Sakspapir

| Sakshandsamar | Arkiv | ArkivsakID |
|---------------|-------|------------|
| Stine Waage   |       | 21/287     |

| Saksnr | Utval         | Type | Dato       |
|--------|---------------|------|------------|
| 059/21 | Formannskapet | PS   | 08.06.2021 |
| 044/21 | Kommunestyret | PS   | 17.06.2021 |

### Rullering av vedtekter Fedje barnehage

Vedlegg:

Referat plasstillitsvalde barnehagen 26.05.21

Referat samarbeidsutval Fedje barnehage 20.05.21

Vedtekter Fedje barnehage 2017

### Saksutgreiing:

#### Bakgrunn

Barnehagen sine vedtekter har ikkje hatt nokon endringar sidan 2017, og det vart lagt fram forslag i møte i samarbeidsutvalget 20.05.21 om å ha ei rullering av vedtektene. På førehand av møtet har FAU hatt ei gjennomgang av vedtektene.

Samarbeidsutvalet var samde om at fleire av vedteketene trengte ei endring, og at fleire ikkje lenger var reelle grunna endringar som har skjedd i barnehagen dei siste åra.

Det har også vore endringar i barnehagelova, noko som medfører at nokre av vedtektene refererer til feile paragrafer. Dei er det også lagt inn forslag til endringar på.

Dei plasstillitsvalde i barnehagen hadde gjennomgang av vedtektene 26.05.21 saman med styrar, og hadde nokre kommentarar til samarbeidsutvalet sine forslag til endringar. Dei plasstillitsvalde sine kommentarar kjem fram i vurderinga, under vedtekt 4 og vedtekt 19. Elles hadde dei ingen kommentarar til samarbeidsutvalet sine forslag.

### Vurdering

Alle endringsforslaga til vedtektene vil kome fram i vurderinga.

### Vedtekt 4: Opningstider og barnehagerute:

Det vart vedtatt i Kommunestyremøte 25.04.17 at barnehagen skulle ha sommaropen barnehage, og at borna kunne velje å ta ut ferie i tidsrommet 15. juni – 15. august. Å starte nytt barnehageår midt i sommaropen barnehage byr på ulike utfordringar; dei tilsette har ferie, ein nyttar ferievikarar, skuleborna kan framleis nytta barnehagen, barnehagen nyttar andre lokaler og liknande. Det blir derfor lagt fram forslag om å endre oppstartsdato for nytt barnehageår.

### Gjeldande vedtekt:



# Fedje kommune

*«For barn som begynner i barnehagen startar barnehageåret 1. august eller så nær som mogleg til denne datoen.»*

## Forslag om å endre til:

Barnehagen fylgjer skuleruta, og nytt barnehageår fylgjer tidspunkt for skulestart kvar haust.

## Retningslinjer for ekstraopphald:

Det vert lagt fram forslag om å ta bort fleire av punkt, sidan dei ikkje er gjeldande grunna gratis barnehage. Det vert også lagt fram forslag om å ta bort opptaksnemnd.

## Gjeldande vedtekt:

*«Følgjande retningslinjer gjeld for ekstraopphald:*

- Fedje barnehage reknar ekstra foreldrebetaling ved meiropphald i barnehagen, utover den off. fastsette opphaldstida.*
- Ved akutt behov for forlenga opphaldstid skal føresette vende seg til styrar, og dette ekstraopphaldet kostar kr. 75 pr. halvtime.*
- Ekstraopphald som ikkje er avtala på førehand, skal godtgjerast med kr. 125,- pr. halvtime, og sidan med kr. 100,- påbyrja time.*
- Det er ein føresetnad at styrar informerer om at det tal timar/dagar som er tildelt i opptaksnemnda, er den reelle opphaldstida for det einskilde barnet.*
- Ved gjentatt for sein henting, og for tidleg bringing, må plassen vurderast av opptaksnemnda.»*

## PLASSTILLITSVALDE SIN KOMMENTAR TIL FORSLAG:

Ekstraopphald som ikkje er avtala på førehand blir ikkje rekna som ein del av barnehageplassen, og er derfor ikkje rekna som «gratis barnehage». Dette vil medføre at dei tilsette må vere på jobb ut over si arbeidstid og har rett på overtid.

*Dei plasstillitsvalde kjem med forslag om at Kommunestyret set sats for godtgjering av dette ekstraopphaldet, som no er på 125,- pr. halvtime. og sidan med 100,- per påbyrja time.*

## Vedtekt 5: Barnetal, alder og inntak

Følgjande punkt blir det lagt fram forslag om å ta bort, grunna gratis barnehage:

*«Kjøp av dagplass for born som går i barnehagen på deltid.*

*Det er mogleg å kjøpa ein plass for ein einskild dag, så lenge det er plass og det ikkje fører til auka bemanning. Foreldre som ønskjer å kjøpa ein dagplass, må venda seg til styrar for å tinga plass minst to dagar på førehand. Styrar avgjer saka. Ein plass kostar f.t. kr 400,- pr dag pr. barn inkludert kostpengar. Prisen vert justert årleg. Det vert ikkje gjeve deltidstilbod i denne ordninga.»*



# Fedje kommune

## **Vedtekt 6: Søknad om opptak**

Fortløpande opptak blir ofte praktisert på Fedje. Det å ha eit tilbod der ein kan søkje om barnehageplass gjennom heile barnehageåret er gunstig for dei som bur her, og for dei som flyttar her. Forutsigbarhet for arbeidsplass og for å gjere planlegginga lettare, vert det lagt fram forslag om å ha fleire søknadsfristar gjennom året, med ulike oppstartsdatoar. Barnehagen kan då sikre at ein har tilstrekkeleg bemanning innafor pedagog – og bemanningsnorm, og samstundes kan foreldre/føresette ha moglegheit til å søkje om plass gjennom heile barnehageåret.

### Gjeldande vedtekt:

*«Søknad om opptak av barn vert sendt til barnehagen innan 1.mars, på elektronisk skjema. Kunngjering vert gjort lokalt. Ein kan søkje om full plass (100%) eller på ulike deltidsalternativ, slik det går fram av søknadsskjema. Gjennom barnehageåret vert det gjort fortløpande opptak, dersom det er ledig plass».*

### Forslag til å endre til:

Søknad om opptak av barn vert sendt til barnehagen innan 1.mars, på elektronisk skjema. Kunngjering vert gjort lokalt. Ein kan søkje om full plass (100%) eller på ulike deltidsalternativ, slik det går fram av søknadsskjema.

Gjennom barnehageåret vert det gjort fortløpande kvartalsvise opptak med søknadsfristar: 1. juni, 1. september og 1. desember. 1. mars er søknadsfrist for hovudopptaket for nytt barnehageår.

## **Vedtekt 7: Opptaket**

Søkarlister kan innehalde informasjon som ikkje bør/kan delast med alle medlemmane i samarbeidsutvalet. Det blir derfor lagt fram forslag om at opptaksnemnda blir tatt bort, og at opptaket blir gjort av styrar. Både fortløpande – og hovudopptak. Foreldre/føresette kan framleis klage på opptak, noko som kjem fram i seinare vedtekter.

### Gjeldande vedtekt:

*«Opptak og fordeling av barn på ulike dagar vert føreteke av styraren i samarbeid med SAU.*

*Samarbeidsutvalet har følgjande samansetjing:*

| <i>Representant</i>          | <i>ant.</i> |
|------------------------------|-------------|
| <i>Kommunen</i>              | <i>1</i>    |
| <i>Foreldre</i>              | <i>1</i>    |
| <i>Tilsette i barnehagen</i> | <i>1</i>    |

*Styraren er sekretær og førebur sakene for barnehagesyret. Styraren har møte – og talerett i samarbeidsutvalet.»*

### Forslag om å endre til:



# Fedje kommune

«Opptak og fordeling av barn på ulike dagar vert føreteke av styraren».

## Vedtekt 9: Opptakskriterium

Det vart lagt fram forslag om å ta bort fleire punkt frå kriteriumslista, då dei ikkje verkar gjeldande for Fedje barnehage, og er heller ikkje lovvesta som eit kriterium.

### Gjeldande vedtekt:

«Opptakskriterium:

*Følgjande forhold vert tillagt vekt ved inntak i barnehagen*

- *Funksjonshemma barn som kan ha nytte av tilbod i vanleg barnehage*
- *Barn med særlege behov/vanskar, slik som:  
Tilpassingsproblem, varig sjukdom, vanskeleg livssituasjon pga. varig/alvorleg sjukdom og/el. Vanskar i heimen.*
- *Barn til einsleg forsyttar i arbeid, under utdanning el. attføring*
- *Barn der begge foreldra er i arbeid utanfor heimen, el. utdanning tilsvarande minst 1 ½ årsverk.*
- *Barn med utilfredstillande leikemiljø – lange avstandar og/el. trafikktilhøve.*
- *Barnet sin alder. Eldre barn vert prioritert framfor yngre barn. Barnet bør ha fylt 1 år det året dei søker om opptak.*
- *Så langt råd er, legg ein vekt på å få til ei jamn fordeling av jenter / gutar, alder spreiding slik at gruppene fungerer best mogleg.*
- *Ved inntak kan det takast omsyn til spesielle rekrutteringsproblem i kommunen.*

*Søknader som kjem inn etter at søknadsfristen er ute, vert først vurdert etter at det ordinære barnehageinntaket er gjort. Det kan gjevast unntak i særlege høve.»*

### Forslag om endring til:

*Følgjande forhold vert tillagt vekt ved inntak til barnehagen*

- *Funksjonshemma barn som kan ha nytte av tilbod i vanleg barnehage*
- *Barn med særlege behov/ vanskar slik som:  
  
Tilpassingsproblem, varig sjukdom, vanskeleg livssituasjon pga. varig/alvorleg sjukdom og/el. vanskar i heimen.*
- *Barn til ensleg forsyttar i arbeid, under utdanning eller attføring.*
- *Ved inntak kan det takast omsyn til spesielle rekrutteringsproblem i kommunen.*

*Søknader som kjem inn etter at søknadsfristane er ute, vert først vurdert etter at dei ordinære barnehageinntaka er gjort. Det kan gjevast unntak i særlege høve.*



# Fedje kommune

## Vedtekt 11: Oppseiing/ending av plass

Grunna gratis barnehage vert det lagt fram forslag om å ta bort ein del av vedtekta.

### Gjeldande vedtekt:

«Oppseiing/Ending av plass.

*Ending av plass kan verta innvilga dersom det er ledig plass. Skal eit barn slutta i barnehagen i løpet av barnehageåret, må skriftleg oppseiing liggja føre seinast 1 månad før barnet vert teke ut. Oppseiingstida er den 1. i månaden. Sluttar eit barn etter 1. paril, skal det krevjast betaling for resten av barnehageåret.».*

### Forslag om å endre til:

Oppseiing/Ending av plass.

Ending av plass kan verta innvilga dersom det er ledig plass. Skal eit barn slutta i barnehagen i løpet av barnehageåret, må skriftleg oppseiing liggja føre seinast 1 månad før barnet vert teke ut. Oppseiingstida er den 1. i månaden.

## Vedtekt 12:

Følgjande vedtekt blir det lagt fram forslag om å ta bort, då den ikkje er gjeldande grunna gratis barnehage:

«Foreldrebetaling

*Ingen hushaldning skal betale meir enn 6 pst av inntekta si for ein barnehageplass. Kommunestyret fastset foreldrebetalinga. Dette vert gjort utifrå gjeldande sentrale retningslinjer om maksimal pris. Barnehagesatsane vert justert 1.januar kvart år. Foreldra betaler for 11 månader i året. Betalinga skal skje forskotsvis i kvar månad.*

*Manglande betaling kan føre til at barnet mister plassen.*

*Åleineforsørgjarar kan få 30% moderasjon på barnehageplass (1) under føresetnad av framlagt dokumentasjon.*

*Frå 01.august 2015 har alle barn med utsett skulestart og alle 4 – og 5 – åringar som bur i hushaldningar med låg inntekt, rett til å få 20 timar gratis opphaldstid i barnehagen per veke. Dette vert gjort etter søknad og framlagt dokumentasjon frå søkjar. Søknadsskjema er å finne på Fedje kommune sine heimesider.»*

## Vedtekt 14: Administrasjon

Rådmann er næraste overordna til styrar i barnehagen, ikkje ass.rådmann – dette blir endra i vedtekta.



# Fedje kommune

## Gjeldande vedtekt:

*«Styrar i barnehagen er dagleg leiar for verksemda. Styrar har snavar for fagleg forsvarleg drift, personal – og økonomi i barnehagen, i samsvar med til ei kvar tid gjeldande lov og forskrift, delegasjonsreglement/personalreglement i Fedje kommune.*

*Administrativt er barnehagen underlagt kommunestyret. Ass.rådmann er næraste overordna. Vedlikehald og bygningsmessige forhold er tillagt teknisk sjef.»*

## Forslag til endring av vedtekt:

«Styrar i barnehagen er dagleg leiar for verksemda. Styrar har snavar for fagleg forsvarleg drift, personal – og økonomi i barnehagen, i samsvar med til ei kvar tid gjeldande lov og forskrift, delegasjonsreglement/personalreglement i Fedje kommune.

Administrativt er barnehagen underlagt kommunestyret. Rådmann er næraste overordna. Vedlikehald og bygningsmessige forhold er tillagt teknisk sjef.»

## **Vedtekt 15: Styringsverk**

Her blir det lagt fram forslag om å preisere kven som deltek i samarbeidsutvalet og kven som har uttalerett. Barnehagelova har også hatt ei endring, som kjem fram i forslag til vedtektsendring.

## Gjeldande vedtekt:

*«Styringsverk*

*Barnehagen skal ha eit samarbeidsutval og eit foreldreråd, jfr.LoB§ 1 1 og forskiftene i 14, 15 og 16*

*Kommunestyret er overordna samarbeidsutvalet. Samarbeidsutvalet må retta seg etter dei vedtak som til ei kvar tid vert gjort gjeldande.*

*Styraren for barnehagen er sekretær for samarbeidsutvalet. Styrar førebur sakene, set opp saksliste og kallar inn til møte i samråd med leiaren i styret. Referat frå møter i SAU skal sendast til rådmannen til orientering.*

*Ass.rådmann har møte – og uttalerett i barnehagen sitt samarbeidsutval.»*

## Forslag om å endre til:

### Styringsverk

Barnehagen skal ha eit samarbeidsutval og eit foreldreråd, jfr LoB §4

Kommunestyret er overordna samarbeidsutvalet. Samarbeidsutvalet må rette seg etter dei vedtak som til ei kvar tid vert gjort gjeldande.

Samarbeidsutvalet har følgjande samansetjing:

| Representant          | Antall |
|-----------------------|--------|
| Kommunen              | 1      |
| Foreldre              | 1      |
| Tilsette i barnehagen | 1      |

Styraren er sekretær og førebur sakene for samarbeidsutvalet. Styraren har møte – og talerett i samarbeidsutvalet. Referat frå møter i SAU skal sendast rådmannen til orientering.



# Fedje kommune

Rådmann har møte – og uttalerett i barnehagen sitt samarbeidsutval.

## **Vedtekt 17: Teieplikt**

Barnehagelova har hatt ei lovendring, og paragrafen blir endra frå § 21 til §44

## **Vedtekt 20: Vedteksendringar**

Det er ikkje opplyst i vedtektene kor ofte dei skal ha ei rullering. Det blir lagt fram forslag om å ha dette med.

Gjeldande vedtekt:

*«Endringar i vedtektene skal gjerast av kommunestyret»*

Forslag om å endre til:

Endringar i vedtekene skal gjerast av kommunestyret.  
Rullering av vedtekter minimum kvar kommunestyreperiode.

## **Vedtekt 19: Tilsyn**

PLASSTILLITSVALDE SIN KOMMENTAR:

I vedtekta står det at ass. rådmann er ansvarleg for tilsyn saman med barnehagefagleg person. Dei plasstillitsvalde vil ha på plass kven som skal overtal ansvaret etter ass.rådmann.

Gjeldande vedtekt:

*«Fedje kommune oppnemner ansvarleg i Fedje barnehage til å ta del i det interkommunale «tilsynskorpset». I eigen kommune vert ass.rådmann ansvarleg for tilsyn saman med barnehagefagleg person frå «interkommunal tilsynskorps». Kommunestyret fattar etter innstilling frå tilsynsansvarleg, vedtak om pålegg. Plan for lokalt tilsyn skal utarbeidast og følgjast.»*

Forslag frå administrasjon om å endre til:

Tilsyn

Fedje kommune oppnemner ansvarleg i Fedje barnehage til å ta del i det interkommunale «tilsynskorpset». I eigen kommune vert det utpeika av rådmann ein ansvarleg for tilsyn saman med barnehagefagleg person frå «interkommunal tilsynskorps». Kommunestyret fattar etter innstilling frå tilsynsansvarleg, vedtak om pålegg. Plan for lokalt tilsyn skal utarbeidast og følgjast.

Folkehelse



# Fedje kommune

Miljø  
Økonomi

## Konklusjon

Det bør vere jamnleg rullering av vedtaketene, slik at dei til ei kvar tid er oppdaterte. Med dei forslaga til endringane som kjem fram under vurderinga, vil vedtektene innehalde den informasjonen brukarane treng. Samstundes kjem det fram korleis barnehagen er organisert og blir administrert.

## Forslag til vedtak:

**Fedje kommune godkjenner endringane i vedtekter slik dei ligg i saka.**

## Formannskapet - 059/21

### F - behandling:

### F - vedtak:

Fedje kommune godkjenner endringane i vedtekter slik dei ligg i saka.

Samrøystes vedteke.

## Kommunestyret - 044/21

### K - behandling:

### K - vedtak:

Fedje kommune godkjenner endringane i vedtekter slik dei ligg i saka.

Samrøystes vedteke.